

Skýrsla um skógrækt ríkisins á Hallormsstað árið 1937.

Skógurinn: Um skógarhöggið vísast til yfirlitssýrslunnar. Samkvæmt henni hefur verið höggið í skóginum:

Efniviður 200 kg. 240 stk.

Eldiviður 1134.0 hestburður.

Sala var treg vegna þess að Lagarfljót var stuttan tíma undir ís. Er kom fram á haust seldist dálítið af viði sem kaupendur hjuggu að mestu sjálfir á svæðum fjarri bíveginum. Ég hef ekki séð mér fært að neita kaupendum að grisja á áður ógrisjubum og afskekktum svæðum, þeim sem vanir eru grisjun og samviskusamir. Hins vegar er spurningin hvort halda beri áfram á þeirri braut, enda fer að verða lítið eftir af ógrisjubum svæðum, og verður þá ekkilengur að ræða um að selja við á rötinni, á sama hátt og undanfarið. Ef til vill er verðið of lágt í samanburði við upphöggin við.

Fræ spratt ekkert svo teljandi væri og var þess ekki að vænta. Skógurinn var ekki enn búin að ná sér eftir maðkinn á árunum 1933-35. Reynifræ spratt allvel. Í Ranaskógi var safnað nokkru af reynifræ 4½ kg. Þar eru allmörg beinvaxin og lagleg reynitré.

Ýmdir athuganir: Í apríl byrjuðu hér veðurathuganir og lagði veðurstofan til hitamæla og regnumæla, og eru henni send skýrsla mánaðarlega um athuganirnar. Þar sem þetta er fyrsta sumarið er veðurathuganir hafa gerðar verið hér er ekkert til samanburðar hér á stöðum því viðvíkjandi. Útreikninga veðurstofunnar úr þessum athugunum hef ég ekki átt kost á að sjá, en ég set hér þær tölur er ég hef fundið út úr athugunum í sumarmánuðunum júní-september.

	Hiti C ^o .	Úrkoma. m.m.
Júni	10.4 -	10.3 - -
Júlí	11.8 -	39.3 - -
Ágúst	11.9 -	31.8 - -
September	7.3 -	100.3 - -
Samtals:	41.4 -	181.7 - -
Meðaltal:	10.3 -	45.4 - -

Ef til vill er sumarhitinn meira en í meðallagi. Athuganir komandi ára verða að skera úr því. En ég er þess fullviss að úrkomumagnið hafi verið minna en í meðallagi, einkum í ágúst mánuði.

Skógurinn varð grænn 4. júní. Meðalhiti í maímánuði var 6.4 C^o.

Ryðsveppurinn, sá er því nær árlega gerir vart við sig í fræðunum í græðireitnum fór að koma í ljós á skóginum er kom fram um miðjan ágúst og magnabist mjög er kom fram að mánaðarmótum ágúst-september. Sveppa þessa hefur aldrei orðið vart í skóginum, svo ég viti undanfarin 30 ár skógræktarinnar. Á gömlum trjám varð ég hans ekki var.

Græðireiturinn: Þáð var fræi af eftirfarandi tegundum:

- | | | |
|----|---|-------|
| 1. | Íslenskt birki úr Bæjarstaðaskógi | 5 kg. |
| 2. | - - - reynir frá Skaptafelli | 8 - |
| | do do - Múlakoti | 4 - |
| | do do - Ranaskógi | 3 - |
| 3. | Skógarfura pínus silvestris frá Noregi. ^{Sæsa} <i>Innemundilag</i> 75 Ml | 1 kg. |
| 4. | Sitkagreni frá Alaska. | |

Einnig nokkrar tegundir aðrar frá Ameríku. Fjallgreni, Fjallalunbrek.

Birkifræið kom misjafnt upp. Reynifræið alls ekki, svo sem venja er til. Skógarfuran kom allvel upp, en hinar barrviðartegundirnar mjög illa, eða alls ekki.

Dreifplantað var:

Birki	2/0 (Fræ úr Bæjarstaðaskógi)	9.300 stk.
Reynir	2/0	3.250 -
Lerki	3/0 (Fræ frá Arkangelsk)	5.000 -
Hvítgreni	4/0 (Fræ frá Ameríku)	2.700 -
Doyglasgr.	3/0	120 -
Blágreni (Píesa þungens)		100 -

Samtals: 20.470 -

Settir viðarstiklingar

2.300 -

Plantað í skóginum:

Larix sibirica	2/2	ca. 2.000 stk.	(Atlavík) ísl. plöntur.
Pínus flexiles		1.000 -	(Sunnan Krókl.) ^{norskar} russneskar pl.
- - cambra		70 -	- - - - -
- - <i>h</i>		400 -	- - - - -
- - Contorta var muray.		50 -	- - - - -
- - þanderösa		25 -	- - - - -
Flyt		<u>3.545 -</u>	

Pisea pungens	Norskar plöntur	500 stk.	Króklæk og Mörkin.
- -	engelmanskt - - - -	50 -	
Abies lasiorpa	- - - -	250 -	Mörkinni.
		<hr/>	
		Samt: 4.345 stk.	

Að undanskildum nokkrum lerkiplöntum og fjallagreni voru þær með góðu lífi er vetur gekk í garð. Fjallafururnar er plantað var í Mörkinni í fyrra tóku góðum framförum.

Stækkun reitsins: Viðbót sú er búð var að ryðja og jafna til að nokkru var nú fullgerð, og sáð þar og dreifplantað. Húsdýra-áburður og nitropheska var borin á. Þá var einnig hafin stækkun, gáfn stór og sú í fyrra vestan við gamla reitinn og skilur 8 metra skógarbelti milli hans og þessara nýju stækkunar. Svæðið var rutt og rætur teknar upp, þessi nýja spilda liggur hér um bil lárétt og verður hún tekin til notkunar á næsta vori.

Við ruðning svæðisins féllu til um 240 girðingarstaurar, er notaðir verða til endurbóta á skógargirðingunni á næsta vori.

Námsskeið: Eins og í fyrra var efnt til trjáræktunarnámsskeiðs 3 stúlkur sóttu fyrir áramót í fyrra og auglýsti ég eftir einni. Urðu stúlkurnar 4. Námsskeiðið stóð frá 10. maí til 25. júní. Stúlkurnar er sóttu þetta námsskeið voru:

Jórunn Emilsdóttir frá Seyðisfirði.

Jónbrá Einaradóttir, Saurbæ Lauganesi.

Sigríður Guðmundsdóttir, Fagradal Vopnafirði.

Sólveig Guðmundsdóttir, Surtastöðum Lundareykjadal.

Það verður að teljast á margan hátt mjög heppilegt að halda slík námsskeið. Meðan almennengur er jafn fákunnandi óminntaður í öllu er að trjárækt lítur eins og raun er á hér á landi, en mikilsvert að eiga kost á vinnulærlinga. Ef þeir vilja hafa gagn af dvölinni ganga þeir til vinnunar sem nemendur. Verkamenn almennt hugsa minna um að verkið sé vel unnið, þeir eru fyrst og fremst að vinna fyrir kaup. En trjárækt krefst alúðar við vinnuna. Stúlkurnar bæði fyrra á námsskeiðinu og nú, sýndu ástundun og ég vona að dvölin hafi verið einnig þeim til gagns.

Plöntusalan var eins og hér segir:

Úr græðireitnum	Víðir	7 stk.
	lerki	629 -
	Björk	4.784 -
	Reynir	120 -
	Greni	41 -
	Fura	80 -

Úr græbireitnum. framhl. Ribs 2 stk.

Samt. 5.663 stk.

Úr skóginum

1555 -

Samt: 5.818, stk.

Byggingar: Til viðhalds var pappi endurbættur í loftum á 2 herbergjum og loft, hluggar og dyr málaðar í þeim herbergjum og eins því þriðja. Einnig voru málaðir gluggar allir utanhúss og útidyrhúrbir. Þá var settur maconitpappi á 2 vegu í einu herbergi. Til þess voru keyptar 4 plötur. Loft í eldhúsi var einnig málað.

Friðun lands á Eiðum. Þangað fór ég eftir beiðni skógræktarstjóra, í september. Mældi ég þar út girðingarstæði umhverfis hið fyrirhugaða friðaða land..

Byrjað var á niðursetningu girðingastaura í haust. Hefur Sigurbjörn Eyjólfsson bóndi á Gilsárteigi annast það verk. Landið sem friðað verður er megnið af heimalandi á Eiðum, vestan bílvegar.

Hallormsstað

Guttormur Pálsson.